

देहरादून मा पलाट

Chorus :

(यख चलदा ,दीदा न भुला
यख चलदा ,रुपयों का पुल्ला
देहरादून या माया नगरी
पैसों कु खेल खुलम खुला)

Song:

सारी जिंदगी कमाई ,मैना की EMI /(इ एम आई)
गों का सेरा बेची,एक प्लाट मोलाई
छोड़ी गों कु ठाठ बाट,देहरादून लिनी / मोली पलाट
छोड़ी गों कु राज पाठ,देहरादून लिनी /मोली पलाट

मेरा गों मा ठाठ बाट ,देहरादून मा पलाट
मेरा गों मा राज पाठ ,देहरादून मा पलाट

PARA 1)

जब पैणु दियण गयी, पडोसी का डेरा
खोड्या कुकुर धधि पड़ी , हाटगु खैगी मेरा

खोला कु पैचू तखि छूटी ,कनि उठाई फट खुटी ,छूटी गों खोला की फांट

मेरा गों मा ठाठ बाट ,देहरादून मा प्लाट
मेरा गों मा राज पाठ ,देहरादून मा प्लाट

Chorus

(मेरा बैरी पड़ी धौन, योनकु प्लोट देहरादून
कै मा क्या बताऊ ,मेरु कतगा हवेगी लोन
मेरा बैरी लगी मर्च,योंको देहरादून मा घर च
कै मा क्या बताऊँ
मेरु कतगा हवेगी कर्ज /खर्च)

2)

यख चैती औजी नि औदा न्ननौबति का ढोल
बाजारी बराती मा लगदु-बिजनौरी का छोल (meaning छल कपट)

..बल बिजनौरी का खियोला

योमा कनकई नचाऊं ,घुंडय रांसु कने लगाऊं ,खोजणू गों को गाजु बाज

मेरा गौं मा ठाठ बाट ,देहरादून मा प्लाट

3)

पैसा फुक मौल मा , दिखोण गर्यो तडी
रिस्पना का पानी जनि ,फट सूखी मुखडी ,बल हकदक जिकुडी

फुटु लिनी बांगी , झोला इकहरी टांगी ,लग्यां छन बाट
मेरा गौं मा ठाठ बाट ,देहरादून मा प्लाट

4)

रिंग रोड मा रिंग लग्गी ,कनि झुरांदी मेसे जिकुडी
रिस्पना का पानी जनि ,फट सुखिगी मेसे मुखडी ,
पैसा फुकी , पैसा फुक मौल मा दिकणु तडी
पुलिया ६ नम्बरी , घरिया दाल नि रे लडबडी

यख सैडा ना सगवडी ,लौन की नकली हरियाली खोजणू , मर्च साग पात
मेरा गौं मा ठाठ बाट ,देहरादून मा प्लाट

5)

गौं मा थे ढंगार ,यख देखणु च उकाली (बल फलाईओवर की उकाली)
शहर यु विदेशी छौ यख ,सुनेंदी नि गढ़वाली ,(बल सुनेंदी नि पहाडी)
आयी पहाड़ बिटी ,मेरी स्मार्ट होयी सिटी ,लोग होयां घाग
मेरा गौं मा ठाठ बाट ,देहरादून मा प्लाट

End backup conclusion

दैणु रै प्लाट
अब गौं लगोला बाट
दैणु रै प्लाट
अब गौं कारोला ठाठ .

छोडी देहरादून को प्लाट

अब अपड़ा गौं लगोला बाट

छोडी देहरादून को प्लाट

कारोला गौं माँ जै क ठाठ